



Uprava policije informacija za period od 29.05. do 01.06.2026.godine.

Datum: 01.06.2026.

Podijeli:  

Odšampaj stranicu 

Za dane vikenda na području Bosansko-podrinjskog kantona Goražde, u mjestu Hrenovica-Šainovići – Općina Pale u F BiH, policijskim službenicima Policijske stanice Prača, jedno lice iz Hrenovice, dobrovoljno je predalo jedno PVC pakovanje sa sadržajem bijele materije koja svojim izgledom asocira na opojnu drogu “Amfetamin”. Pomenuto lice pozvano je do službenih prostorija Policijske stanice Prača, gdje je nad istim izvršena kriminalistička obrada. Upoznat je i dežurni Kantonalni tužilac koji je događaj kvalifikovao kao krivično djelo “Posjedovanje i omogućavanje uživanja opojnih droga” iz člana 239. stav. 3 KZ F BiH. Dalji rad na dokumentovanju djela je u toku.

U ulici Čajnička-Grad Goražde registrovano je i jedno “Krivično djelo kršenje zaštitne mjere” iz člana 81.stav 1. Zakona o zaštiti od nasilja u porodici i nasilja prema ženama u Federaciji Bosne i Hercegovine, koje je počinilo jedno lice iz Goražda, kojom prilikom je navedeno lice lišeno slobode i smješteno u prostorije za zadržavanje u Policijskoj upravi Goražde.

U ulici 22.Maj – Grad Goražde, dogodila se saobraćajna nezgoda u kojoj su učestvovala dva putnička motorna vozila, sa materijalnom štetom i povrijeđenim licima. Na lice mjesta upućeni su policijski službenici Uprave policije MUP-a BPK-a Goražde koji su obezbijedili lice mjesta i izvršili uviđaj. U Urgentnom centru Kantonalne bolnice Goražde ukazana je ljekarska pomoć povrijeđenim licima, a kod jednog od vozača ustanovljeno je prisustvo alkohola u organizmu u iznosu od 1,60 g/kg, te je isti lišen slobode i smješten u prostorije za zadržavanje u Policijskoj upravi Goražde. Vozaču koji je prouzrokovao saobraćajnu nezgodu uručen je prekršajni nalog iz oblasti Zakona o osnovama bezbjednosti saobraćaja na putevima u Bosni i Hercegovini.

Dežurnoj službi Policijske stanice Ustikolina obratio se uposlenik Kazneno-popravnog zavoda Sarajevo odjeljenje Ustikolina, općina Foča FBiH i prijavio da isti imaju problema sa jednim licem koje je došlo u posjetu osuđenom licu. Na lice mjesta izašli su policijski službenici Uprave policije MUP-a BPK-a Goražde koji su ispitali navode prijave te jednom licu iz Goražda uručili prekršajni nalog iz oblasti Zakona o prekršajima protiv javnog reda i mira, zbog drskog ponašanja.

Dežurnoj službi Policijske stanice Goražde, obratila se patrola policije Policijske stanice za kontrolu i regulisanje saobraćaja Goražde i prijavila da im se u ulici Čajnička – Grad Goražde na znak “STOP” nije zaustavilo vozilo marke VW Golf A7, bijele boje, i da isto ide ulicom 31. Drinske brigade, te da je skrenulo u naselje Vitkovići gdje im se zaustavilo u neposrednoj blizini firme Prevent. Nakon zaustavljanja navedenog vozila ustanovljeno da je istim upravljao Albanski državljani koji je u vozilu prevezio šest (6) migranata bez identifikacionih dokumenata, koji su izjavili da su iz Indije i Pakistana. O navedenom događaju upoznati su službenici Sektora kriminalističke policije Uprave policije MUP-a BPK-a Goražde koji su upoznali Tužilaštvo BiH i gdje su isti izjavili da po predmetu postupaju Ured za strance. Po navedenom događaju postupali su službenici Ureda za strance koji su protiv navedenog lica izrekli otkaz bezviznog boravka sa mjerom protjerivanja. Policijski službenici Uprave policije MUP-a BPK-a Goražde su pomenutom licu uručili prekršajni nalog iz oblasti Zakona o osnovama bezbjednosti saobraćaja na putevima u Bosni i Hercegovini.

Dežurnoj službi Policijske stanice Goražde obratilo se jedno lice nastanjeno u mjestu Šemihova – Grad Goražde i prijavilo da je na putu u mjestu Šemihova, NN vozač na kolovozu parkirao putničko motorno vozilo, koji je od vozila odbacio ključeve u neposrednu blizinu te se udaljilo sa lica mjesta i onemogućio nesmetano odvijanje saobraćaja. Policijski službenici Uprave policije MUP-a BPK-a Goražde pronašli su pomenuto lice u mjestu Ilovača – Grad Goražde gdje je na adresi stanovanja uočena jedna Ilovačka puška marke SFRJ, ser.broja M17254, gdje se na kundaku nalazilo sedam metaka kalibra 8×57, marke S&B, na kojoj se nalazio optički nišan marke vortex crosfire II, uvećanja 3-9×50 za koje pomenuto lice nije imalo odgovarajuću dokumentaciju, a na tersi ispred kuće uočen je rap sa dva okvira od automatske puške napunjena sa municijom u kojima se nalazilo 29 komada metaka, kalibra 7×62. Navedeno lice je gore pomenute predmete dobrovoljno predao policijskim službenicima te će isto biti pohranjeno u službenim prostorijama. Izvršeno je alkotestiranje gdje je kod istog ustanovljeno prisustvo alkohola u oragnizmu u iznosu od 0,52g/kg, kojom prilikom je pomenuti odbijao zakonito izdate naredbe OSL-a, te je isti lišen slobode i smješten u prostorije za zadržavnje u Policijskoj upravi Goražde. O navedenom događaju upoznati policijski službenici Sektora kriminalističke policije Uprave policije MUP-a BPK-a Goražde, a protiv pomenutog lica naknadno će biti poduzete mjere i radnje iz oblasti Zakona o prekršajima protiv javnog reda i mira zbog odbijanja naređenja OSL-a u alkoholisanom stanju. Dalji rad na dokumentovanju i utvrđivanju okolnosti navedenog događaja je u toku.

Policijski službenici Uprave policije MUP-a BPK-a Goražde, postupali su u jednom slučaju u skladu sa Zakonom o zaštiti od nasilja u porodici i nasilja nad ženama u F BiH, gdje je o svemu navedenom upoznat i dežurni Kantonalni tužilac.

Informacije MUP-a

Vidi sve >

29 Uprava policije informacija za period od
May 26 do 29.05.2026.godine.

26 Uprava policije informacija za period
May 25/26.05.2026.godine.

25 Uprava policije informacija za period od
May 22.05. do 25.05.2026.godine.

22 Uprava policije informacija za period
May 21/22.05.2026.godine.

21 Uprava policije informacija za period
May 20/21.05.2026.godine.

20 Uprava policije informacija za period
May 19/20.05.2026.godine.



Bosansko-podrinjski kanton Goražde jedan je od deset kantona unutar Federacije Bosne i Hercegovine. Nalazi se u Istočnom dijelu Bosne i Hercegovine, a u njegovom sastavu su Općina Foča FBiH, Općina Pale FBiH i Grad Goražde, u kojem je administrativno sjedište kantona.

Kontakt

tel: +387 38 221 212
fax: +387 38 224 161
email: info@bpkg.gov.ba

Adresa

1. slavne višegradske brigade 2a
73000 Goražde
Bosna i Hercegovina

Pratite nas

